

ՄԱՏԱՆԱՆ ՀԱՅ ԺՈՂՈՎՐԴԱԿԱՆ ՄՆԱՀԱՎԱՏԱԿԱՆ ԶՐՈՒՅՅՆԵՐՈՒՄ

Ժողովրդական գրույցը վիպական բանահյուսության տարածված տեսակներից է: Ձրույցները ոչ մեծ ծավալի պատումներ են, մեկըրկազանի պատմվածքներ, որտեղ ժողովրդական լեզվին բնորոշ պատմելատճով ներկայացվում են ժողովրդի պատմական ու կենցաղային անցուդարձերը և սնահավատական պատկերացումները: Սնահավատական գրույցները հեթանոսական և քրիստոնեական հավատալիքների հետ կապված ոգեղեն արարածների և գերբնական երևույթների, առարկաների մասին պատմվող բանավոր պատմություններ են, ոչ հեքիաթային արձակ ժանրի ստեղծագործություններ: Վերջիններս իրենց ձևով, բնույթով և կենցաղավարման եղանակով խիստ տարբերվում են վիպական բանահյուսության մեջ մտնող մյուս բոլոր ժանրերից:

Սնահավատական գրույցը պատմողներն ու լսողները հավատում են դրանց բովանդակությանը, ներկայացնում իբրև իրենց և իրենց մտերիմների կամ ծանոթների հետ կատարված իրողություն: Ձրույցը պատմվում է ասացողի կամ ասացողին հայտնի մարդու ամունից: Սնահավատական գրույցները հիմա էլ կենսունակ են և կենցաղավարում են Հայաստանի մի շարք ազգագրական շրջաններում: Մույն աշխատանքը կատարված է 19-րդ դարի 2-րդ կեսից մինչև արդի գրառումներում առկա սնահավատական գրույցների հիման վրա: Հոդվածի համար որպես սկզբնաղբյուր օգտագործվել են վերջին տարիներին կատարված բանահյուսական գրառումները, «Ազգագրական հանդես»-ում¹, «Հայ ազգագրություն և բանահյուսություն»² մատենաշարում առկա տպագիր նյութերը, Գ. Սրվանձտյանցի³, Գ. Հովսեփյանի⁴, Յ. Ճանիկյանի⁵, Ադ. Մխիթարյանցի⁶, Ե. Լալայանի⁷, Մ. Արեղյանի⁸, Մ. Կոայեանի⁹, Վ. Սվազյանի¹⁰, Գ. Գյուզալյանի¹¹ և այլոց ժողովածուներում տեղ գտած սնահավատական գրույցները, ինչպես նաև Ա. Ղազիյանի հոդվածը¹²:

Մեր օրերում շատ են տարածված գրույցներ չար ոգիներից մեկի՝ սատանայի մասին, և մույն հոդվածում ներկայացվում են սատանա-ոգու գործառություններն ըստ տարածված սնահավատական գրույցների:

Սատանա բառը ծագում է հին եբրայերեն *satān* բառից, որը նշանակում է ռախ, հակառակորդ, թշմամի, հակառակ դիմակաց, չար ոգի, դև: Սատանա բառը փոխառությամբ տարածված է մի շարք լեզուներում՝ ասորերեն *satāna*, ռուսերեն *сатана*,

¹ Ազգագրական հանդես, գ. IX, 1902, գ. X, 1903, գ. XII, 1905, գ. XIV, 1906, Թիֆլիս, (այսուհետ՝ ԱՀ):

² Հայ ազգագրություն և բանահյուսություն, հ. 8, 1978, հ. 10, 1980, հ. 12, 1981, Եր., (այսուհետ՝ ՀԱԲ):

³ Սրվանձտյանց Գ., Երկեր, հ. 1, Եր., 1978:

⁴ Գարեգին Սարկյալազ Յովսեփեանց, Ժողովրդագրական նիւթեր, գիրք Գ, N 56, Փշրանքներ ժողովրդական բանահյուսությունից, Թիֆլիս 1892:

⁵ Ճանիկեան Յ.Է., Հնութիւնք Ալկնայ, N 89, Թիֆլիս, 1895:

⁶ Էմինեան ազգագրական ժողովածու, հ. Ա, Փշրանք Շիրակի ամրարներից, Ադ. Մխիթարեանց, Մոսկուտ-Ալեքսանդրապոլ, ՌՅԾ-1901, (այսուհետ՝ ԷԱԺ):

⁷ Լալայան Եր., Երկեր, հ. 1, 1983, հ. 2, 1988, հ. 3, 2004, Եր. (այսուհետ՝ ԵԼ):

⁸ Արեղյան Մ., Երկեր, հ. Ե, Եր., 1975, (այսուհետ՝ ՄԱ):

⁹ Մեսրոպ Կոայեան, Բալու, Բալուի կնանքն առնուած պատկերներ, յուշեր, չափածոյ քերթածները եւ արձակ էջեր, Անթիլիաս-Լիբանան, 1965:

¹⁰ Սվազյան Վ., Կիլիկիա, արևմտահայոց բանավոր ավանդությունը, Եր., 1994:

¹¹ Գյուզալյան Գ., Մոսա լեռան ազգագրությունը, Եր., 2001:

¹² Ղազիյան Ա., Հայ ժողովրդական սնահավատական գրույցների դասակարգման հարցի շուրջ, ՀՍՄՀ ԳԱ «Լրագիր հասարակական գիտությունների», 1983, N 8, էջ 78:

արաբերեն *šaytan* (շայթան), եթովպերեն *sadatan*, հունարեն *Satanas*, լատիներեն *satanas*, հարավսլավերեն *sotona*, գերմաներեն *satan* և այլն:¹³

Ե. Լալայանը, խոսելով Ջավախքի հայ ժողովրդի հավատալիքների մասին, ներկայացնում է մի ավանդություն սատանա-նզու առաջացման մասին. «Աստված ստեղծել է ինը դաս հրեշտակ՝ մարդակերպ, քևավոր, ամերևույթ, քարի էակներ, որոնց պաշտամունքն էր փառաբանել Երրորդությունը և կատարել նրա հրամանները: Սակայն այս ինը դասից երկուսն ամբարտապանացել են և ցանկացել աստված դառնալ: Տերն անհիծել է նրանց, և սրանք երեք օր շարունակ կարկտի պես երկնքից վայր են թափվել: Յոթ դաս հրեշտակները խնդրել են ողորմիլ և «Տեր ողորմես» են ասել, իսկ մարդիկ զարհուրած «Կեցո՛, Տե՛ր» աղաղակել: Այս երկու դասը վայր թափվելիս երեք դասի են բաժանվել, մին՝ Պեղծեռն, որ մնացել է երկնքի և երկրի միջև, մյուսը՝ Սաթայեղ, որ իջել է երկրիս վրա, և երրորդը՝ Լեկեռն, որ անցել է ամբողջը: Աստված տնօրինել է, որ այս վայր թափված հրեշտակների տեղը լցնեն քարի մարդկանց հոգիները, ուստի և այս հալածված հրեշտակների երեք դասերն էլ քարի մարդկանց սաստիկ բռնամարտի են և ամեն կերպ աշխատում են մոլորեցնել նրանց: Սաթայեղը «քաց աչքով» ակնհայտին է խաբում մարդկանց ու գրում գործած մեղքերը: Լեկեռնը չար երազներով ու տեսիլքներով է մոլորեցնում, իսկ Պեղծեռնը կարում է հոգիների ճանապարհը, և եթե «բարության ձեռագիր» չունեն, քաշում տանում է դժոխք, սատանաների ու մեղավորների կայանը, ուր ոսկի աթոռի վրա նստած թագավորում է Լեկեռնը: Ժողովուրդն այս վայր թափված երեք դաս հրեշտակներին կոչում է սատանա...»¹⁴:

Նույն ավանդությունը, որոշ տարբերություններով, հանդիպում ենք Գ. քահանա Նժդեհյանի մոտ. «Աստուած հրեշտակները ստեղծած ժամանակ՝ տասներկու դասի կամ գունդի բաժնեց զանոնք: Այս գունդերեն երեքի գլխատրները՝ Սադրահել (Սահայել), Բեհեզերուղ և Բելիառ (Բելիար) տեսնելով իրենց բարձրութիւնը ու փառքը՝ հպարտացան ու Աստուծոյ դէմ ապստամբեցան: Աստուած քարկացավ, և զանոնք իրենց գունդերով իւր «երեսէն»-ներկայութենէն թափեց դեպի Մանդարամետը՝ ի պատիժ իրենց ամբարտաւանութեան»¹⁵: Ըստ Լոռու (Բորչալուի գավառ) ժողովրդական հավատալիքների՝ սատանաների գլխավորը համարվում է Բելյարը, որի որդին կոչվում է Սաթիել, իսկ աղջիկը՝ Նարմաղուշիկ¹⁶:

Հայ ժողովրդական սնահավատական գրույցներում սատանա ոգին հիմնականում հանդես է գալիս «սատանա» ընդհանուր անվամբ: Սակայն որոշ ազգագրական շրջաններում (Նոր Նախիջևան, Շիրակ, և այլն) սատանա-նզուն անվանում են նաև մեզմեն աղեններ, մեզմեզ օւսվեռ, քան օմեզ աղեններ, աղենկանը (Ակն) և այլն: Գր. Գրգալյանը գրում է, որ «Մուսալիտում չար ոգուն՝ սատանային, խոսակցության ընթացքում երբեմն «Քան զմեզ աղվեյր» (մեզմից լավը) ասում էին, քայց անուղիղ նրան չէին հիշատակում»¹⁷: Հավանաբար սատանային այսպիսի անվանումը (դու մեզանից լավն ես) տրվել է որպես սիրաշահություն՝ գերծ մնալու համար նրա չարագործություններից: Մ. Արեղյանը այս առիթով գրում է. «Թեպետ սրանք այսպես մարդկային ծագում ունեն և անզամ աստվածային անեծքի տակ են գտնվում, այդուհանդերձ նրանք վեր են կանգնած մարդկանցից: Դրա համար էլ նրանք հաճախ կոչվում են մեզանե լավը կամ մեզմեն աղեններ: Եթե նրանց չարքերին հավասար դասեն և չարքեր կոչեն, ա-

¹³ Աճառյան Հ., Հայերեն արմատական բառարան, հ. Դ, եր., 1979, էջ 179:

¹⁴ ԵԼ, հ. 1, էջ 215-216:

¹⁵ ԱՀ, գ. IX, էջ 267:

¹⁶ ԵԼ, հ. 3, էջ 209:

¹⁷ Գրգալյան Գ., նշվ. աշխ., էջ 230:

Ե. Լալայանը սատամ-ագու աներևոյթ լինելու հանգամանքը բացատրող մի գրութից է ներկայացնում. «Երբ Քրիստոսի մայրն ու սորաքույրը (Շղիասարեք) Փրկչի գեղեզմանի վրա տրամ էին՝ գլխները քաշ գցած և առանց շուքջը մայելու, սատամները, որ մինչև այդ ժամանակ մարդկանց մեջ էին ապրում և նկատելի էին, կամենալով սրանց ուշքը ուրիշ բանի վրա դարձնել, որպեսզի մոռանան Տիրոջը, պարկերի մեջ պղծած ամաններ էին ածել և նրանց առաջ կանգնել, փխթեցնելով ին։ Աստվամեջ աղծած ամաններ էին ածել և նրանց առաջ կանգնել, փխթեցնելով ին։ Աստվամեջ աղծած ամաններ էին ածել և նրանց առաջ կանգնել, փխթեցնելով ին։ Աստվամեջ աղծած ամաններ էին ածել և նրանց առաջ կանգնել, փխթեցնելով ին։

Ժամինը ետ է մայել և տեսնելով սատամանների՝ անիծել է, քե՛ «աներևոյթք ըլիք», և այդ օրվանից նրանք աներևութացել են, այլևս մարդկանց չեն երևում»²³:

Ազգագրական որոշ շրջաններում իրարամերժ կարծիքներ ու պատկերացումներ կան սաստանայի սեռի ու տարիքի վերաբերյալ: Արդեն նշվել է, որ սաստանան մախկիմում հրեշտակ էր, իսկ հրեշտակները, դարձյալ ըստ ժողովրդական պատկերացումների, ավելի շատ արականի հանգամանք ունեն, քան իգականի, չունեն մահ, ծնունդ, տկարություն²⁸:

Ջալալախյանների պատկերացմամբ սատանաները երկու սեռի են, որդեծնությանը առում ու բազմանում են, երբեք չեն մեռնում²⁹: Իսկ Ալաշկերտում լրիվ հակառակ

¹⁸ UU, h. E, t₂ 86:

¹⁹ ՀԱԲ, հ. 12, էջ 63: ԵԼ, հ. 2, էջ 177: Ա Ղազիյամ, նշվ. աշխ., էջ 78:

²⁰ Սրվանմծախանց Գ., նշվ. աշխ., էջ 45:

²¹ *UŁ*, q. XIV, tp 137:

²² *ZUF*, h. 10, t₂ 66:

²⁴ *Eucl.*, *tp* 168:

²⁵ GL, h. 1, t₉ 216:

²⁶ UŁ, q. IX, t^o 267-268:

²⁷ Գյոզարյան Գ., նշվ. աշխ., էջ 230:

²⁸ *U*ḫ, q. IX, tp 265-266:

²⁹ GL, h. 1, f. 216:

պատկեր ենք տեսնում. այստեղ սատանաները «հրեշտակներու պես աւելի արականի հանգամանք ունին, քան իզականի, թէև յաճախ կնոջ կերպարանքով կը յայտնուին, և այն աւելի պառաւ կնոջ: Չպիտք է շփոթել փերիները սատանաներու հետ, որովհետև աստօջիներու ծագումը շատ ուշ եղած է, կրնան կենակցիլ մարդերու հետ և զաւակներ ունենալ, սատանաները զուրկ են այդ յատկութիւնէն, ո՛չ ծնունդ ունին, ո՛չ մահ, ո՛չ հիւանդութիւն և ո՛չ մարմնական աճում, ո՛չ կոտեն և ո՛չ կը հագնեն: Ասոնք հրեշտակներու մնան հաճախ հրաշագործ են»³⁰: Դժարացիների պատկերացմամբ, եթե սատանան դնքով տղամարդ էր, նրա ոտքերը սմբակավոր պիտի լինեին, եթե կին՝ պոչ և երկար մազեր³¹: Մուսալեռցիները սատանաներին պատկերացնում էին միշտ չափահաս տարիքում, ծեր կամ երեխա չկար: Սկզբից ինչքան որ եղել են, մույնն էլ մնում են, այսինքն՝ աճ չունեն: Մարդկանց հետ ոչ մի կարգի (սեռային և այլ)³² կապ ու առնչություն չունեն³³: Ակնում «աղեկանք տվորաբար ի կերպարանս կնոջ»³⁴ են հայտնվում:

Արճակում սատանաները երեխաներ ունեին, որոնց պուպուշիկներ էին անվանում: Վերջիներս պատկերացվում էին թխամորթ, խիտ-գանգրահեր, հաստապոռոշ, ճրագի մնան փայլուն աչքերով, զգզված հանդերձներով մանուկներ³⁵: Շիրակում ևս սատանաները երկու սեռի են, հազվադեպ հանդիպում ենք տղամարդու, իսկ հաճախ՝ կնոջ կերպարանքով: Ըստ շիրակցիների սատանան մոտ քառասուն-քառասունհինգ տարեկան արարած է, չի ծերանում: Շիրակում մեր կատարած քանահյուսական գրառումներում սատանան հիմնականում կին է, միջին տարիքի, աշխատասեր, քչախոս, համեստ արարած: Զրույցներից մեկում սատանան ներկայացվում է նորաշենցի Ժենոյի կերպարանքով. «Մեր գեղի (Լորաշեն, Արթիկ) Այիկենց Ենուլքը Եգանլարա (Արեշտա) ջախճբան էր: Էդիկ մեռակ ջաղաճը կեղնի, էդ օրը աղուն աղցող չի էղնի, նստած կսպասե: Կըսե, մեզ է աշեն, օր ջաղաճի քարի տըզեն, էն փեռն օր կըֆըռցեն ջուրը, ըդոր տըզեն հարսնիք գեղնի, էղենալ: Կսե, էգան, բոլորս բորնին ու խաղցան: Ես, կըսե, փշաքաղվա, տեսա, օր մեզը մազերս կըաշե, մեզը հ'անգաճս կըաշե, մեզը ողով կգարգե, կըսե, քովս մե բուլավկեմ կար (ասոջ գյաղայախա են հակե, կոճակ, բուլավկա է էղե վրեն), հանի ու գարգի մեզի դոշին: Մաղ փախան, ըսիկ քըռտ կայեալ: Լացալ, ըսալ փոքր էրեխա ունիս, թող տուն էրթալ: Կըսե չէ, հ'անգաճս քաշողը դու չէ՞իր: Դե, ընզի էղես, տուն բղի էրթանք: Կերթա, ջաղաճը կփազե ու ըդոր բերեզը տուն, կըսե, էլեք, թաժա կընիզ եմ բերե ընձի: Գեղնին կաշեն, օր մարդ, մարդու լման, մեր գեղի Թերոյենց Վարդի լմանը, մեռակ ողները, կըսե, կըրընգները մաղներու տեղն էին, մաղները՝ կըրընգներու: Ուրիշ հեշ մե տարբերություն չկար, եսյն մարդը: Բերեզը տուն: Կընիզը՝ Տիրունը, կըսե, դե այ Ենուլք, կըսե, էրեխանց մեջը բան-ման չտարածես, օր վախենան, ես առավաղը սաղին կհավաքեմ, կբացատրեմ, օր ըսիկ չարք է, գործ չունիք հետը: Ինչ օր ինքը կենե՝ հագառագը բղի ըսես իրան, չբղի ըսես՝ էրա՛, կե՛ր, բղի ըսես՝ մի՛ էրա, մի՛ կեր, օր էնէ: Էդոր իրեք տարի կպայեն. գոմերը կալվեր, կովերը կկթեր, կաթը բերեր վեղորով կուղար, անուն, կըսե, հեշ մե բառ չէր խոսի, ինչ օր իրան կհասնիր,

³⁰ ԱՀ, գ. IX, էջ 268:

³¹ ՀԱԲ, հ. 10, էջ 66:

³² Ռուս բանահյուսության մեջ սատանան գայթակղում է կնոջը, միդում նրան ինքնասպանության...
Э. Померанцева, Мифологические персонажи в русском фольклоре, М., 1975, стр. 122.

³³ Գրգալյան Գ., նշվ. աշխ., էջ 231:

³⁴ Ճանիկեան Յ. Կ., նշվ. աշխ., էջ 152:

³⁵ ՀԱԲ, հ. 8, էջ 89:

իեքը գիգեր, գելներ, կեներ: Կերտար դրադ կեստեր, կրսե, մենք հացը կուդէինք, գելէիր իրա ձեռով կլցներ, իշկան օր իրան պեսք էր, կուդեր, ամանը կլվար, բղրե-գով էլ ըսպես պըրտուեցը կըտրդէր, տանիր կդներ տեղը: Մէ օրըմ Ենովքը հարսեն-րին կրսե՝ ելէ ք, գեացե ք կալը, տունը կմնան 11 տարեկան ախճիգն ու սաղանեն: Մաղանեն գելի, տեղը կշինէ, ճաշ-մաշ չի էպէ, իեքը բղպես Բաների հետ գործ չու-ներ: Ախճիգը ջուր կդնէ վեղտոյով, օր իրա դբրոցի շորերը լվա, սաղանեն կրսե կթողա՝ ու ողներս լվաւ, ըսիգ կսէ, դէ՝ հա: Կսէ, փեշիս բոլորը բուլավկա, ասեղ կա շարած, քանէ ու, օր ողներս չծագըտան: Էս ախճիգը չի գիդէնա, իստակ քանէ, քանէ քիսի, գելի կրսե: Իշկան ալուր ունենեաք, տարին քատուն մեշով ալուր բերեր՝ չա-եաղը հալդի տները ման գա, դարդակ մեա, իշկան աման-չաման ունենեաք՝ պտուեզ չունենա, ձեզի բսէն «Չկոց տունն, ու անհատանագր: Ախճիգը գելի ձվագը՝ հար-սի կ, հարսի կ...: Ժեկա կեղնի տետեր, էդ մարսը չիդեմ ինչ լեզվով հարցընեցը՝ տետերդ ի նձ է, էսիգ հողի վրա մաղով գրեզը՝ Ժեկա, Ժենիգ, ըշար Թերոյենց Վարդի լսանն էր, Վարդն էլ Ժենիգ կգրվեր: Էս ախճիգը լալով կերտա կալը, կրսե, դէ, քելէք, Ժենոն չկա, հարսիկը չկա: Գուկան տուն օր՝ դարէն գեղին քցած, ասեղներն էլ սեղնին շարած: Տիրուեր քաշէ ախճգան՝ լալ կծեծէ: Իշկան օր էս գի-դեմ, ըդմեք չորս աղամարդով կաշխաղէին՝ հաց կմութային, իշկան օր սիպարկե-դէն կունենային ծալած, դարսած, բանային, կտեսնէին, օր սաղ արուն էր, սաղանե-կը տանէին արեռդէին, բերէին դնէինգը տեղը: Իշկան բաժակ կար՝ պտուեզ չկար, գդալ՝ պտուեզ չկար, շերեփ կար՝ պոչը չկար, վեղտ կար՝ կանտերը չկար: Չի-դեցողները կրսէին, Թէ էս ի նչ վերաեա տուն է, կրսէին՝ մեր վրա անեծք կա: Տի-րունին անիձէլ էր սաղանեն, օր էրէփին ծեձէլ էր, բսէլ էր՝ սաղ կրանքդ կոբերդ վրա չգան, էնիկ սաղ կրանքը աշկերը բաց քնալ: Բոյով, սիրուն հարս էր, ութ տա-րեկան էի, կիիշեմ, իեքը չէր կըռեա ինքեուրոյին իրա վրի ասեղները հաներ, բոլորը Ժեօի քաշէր կլոր՝ չէր կըռեա միձէն դուրս գար, ըդիգ կապվիգը, մալրիգը: Էդ էլ սաղանի պատմութիւնը, հրբը »:³⁶

Կիմ-ստամանայի ծննդաբերութեան ժամանակ հաճախ մարդ-դայակ են խարում տանում, որին և վարձատրում են տվիսի կամ սխտորի կեղևով ու հալվալով: Սո-խի կամ սխտորի կեղևները մյուս օրը ոսկի դրամներ են դառնում, եթե միայն ստացողն անարգելով վայր չի Թափել³⁷: Այս հավատալիքը տարածված է հիմնականում Ջավախ-քում³⁸, Կիլիկիայում՝ Հաճընում³⁹ և մյուս ազգագրական շրջաններում:

Սատամանյին վերագրվող մի հատկանիշ ընդհանուր է բոլոր ազգագրական շրջանների գրույցներում. սատամանյի ոտքերն ու լեզուն Թարս են: Ամեն ինչ անում է իրեն ասվածին, հրամայվածին հակառակ: Մտ. Լիսիցյանի մեկնաբանմամբ «սատա-ման ամեն ինչ աշխատում է շուտ տալ, թըրքցնել, չարով խափանել ամեն ինչ: Իզուր չէ, որ նրա ոտքի Թաթերն էլ են շուտ տված՝ կրունկներն առաջ, մատները՝ ետ: Քաշքն ամեն ինչ Թարս ու հակառակ է անում: Եթե պետք էր նրան ջրի ուղարկել, ապա «ջուր բեր» ասելու փոխարեն պետք էր ասել՝ «կուժը վերցրու և ջարդի»⁴⁰:

³⁶ Մեր բանահյուսական գրառումներից: Բանասաց՝ Մերվինի Կամսարի Ազատյան, ծնվ. 1932թ, Արթիկի շրջան, գյուղ Նորաշեն, ջուլիակ:

³⁷ ԵԼ, հ 1, էջ 216:

³⁸ ԵԼ, հ.1, էջ 218:

³⁹ Սվազյան Վ., Ոշվ. աշխ., էջ 78:

⁴⁰ ՀԱԲ, հ. 12, էջ 64:

Սատանայի բնակության վայրի և մարդկանց երևալու հարցերին վերաբերող տարբերությունները կապված են տվյալ ազգագրական շրջանի բնակչիմայական պայմաններից, աշխարհագրական դիրքից ու տեղավայրերից: Առավել հարթավայրային շրջաններում առկա գրույցներում սատանաներն ապրում են չարդախներում, ջրհորներում, քանդված տներում, վառարանների մեջ, պատերի խոռոչներում, ամուսնում, գերեզմանատանը, մութ անկյուններում,⁴¹ առուների եզրերին⁴², ջրաղացներում, ձիթհանքերում, գոմերում, այրերում և անմարդաբնակ տներում⁴³: Մուսա լեռում «նրանք բնակվում էին խավարում, նրանց կենտրոնն էր Գարիզը (փապուղին)»⁴⁴: Արճակում ավանդություններ կան գրառված սատանաների բնակավայրերի մասին: Այստեղ ևս պատկերացում էին, որ սատանաներն ավելի ազատ ու համարձակ ապրում էին բնակավայրերից հեռու ընկած ավերակներում, մութ ու անմարդաբնակ տեղերում, սակայն ավանդությունը պատմում է, որ «ամենուրեք բնակվող սատանաներն Արճակում ունեին մակ իրենց հատուկ բնակավայրը: Դա գյուղից հեռու, վերևի մասով Աստվածածնա բլուրներին հասած, իսկ ցածի մասով՝ Չնձն կոչվող արտերին հասնող բլուրներից մեկի մեջտեղը եղած խոր, քարքարոտ, երկայն կիրճն էր, որը կոչվում էր Գյազնա: Ահա այդ Գյազնան սատանաների բնակավայրն էր: Լեռնային ձնհովիտներից գոյացած և իր անցած ճանապարհին պարզված մի փոքրիկ առվակ էր հոսում այդ կիրճի միջով: Վերը՝ կիրճի մեջ, կար մի տեղ, որ շատ նեղ էր, և ջուրը ոչ թե հոսում, այլ վիժում էր ցած: Ջրվեժի այդ մասը կոչվում էր Գյազնի խռինջը, ուր գրույցի համաձայն, անհամար սատանաներ էին աղմկում, հազար ու մի ձայնով ողբում ու կաղկանձում: Ո՛չ հովիվներն ու գառնարածներն էին այնտեղ հոտը քշում, ո՛չ կանայք ու աղջիկներն էին Գյազնեն բանջարի գնում, ոչ էլ անցորդներն էին գնում սատանայաբնակ Գյազնաշով: Ըստ արձակցիների՝ Գյազնի խռինջը միշտ էլ լիքն էր անխորտակելի չարքերով, որոնք շատ հեռու վայրերից հալածվել եկել էին թաքնվելու Ասպածածնա գորությունից ու պատսպարվել Գյազնի խռինջի մեջ: ... Պապերից եկած երկյուղախառն պատումներ կային այն մասին, որ երբ մութն ընկնում է, Գյազնի մեջ ապրող անհամար չարքերը հազար ու մի սատանայական հնարանքներով խաբում են միայնակ ուղևորներին, տանում Գյազնի խռինջը և այնտեղից քաշում դժոխք: Որդոց-որդի ամբացած այս երկյուղը ստիպում էր դաշտում աշխատող կանանց մութն ընկնելիս չանցնել Գյազնի ձորաբերանով...»⁴⁵: Արճակում սատանայաբնակ էին համարվում մակ գյուղի հարավ-արևելքում գտնվող Վարակյա տներ կոչված ավերակները⁴⁶:

Ե. Լալայանը վկայում է, որ «Դոնավարզի և Քառասանի, ինչպես և Ագոխի և Թաղլարի (Արցախ) միջև կան խոր ձորեր՝ սողաթթախիտ ծառերով ծածկված: Այս ձորերը կոչվում են Քաջկաձոր և լի են քաջքերով՝ սատանաներով»⁴⁷: Ըստ դարաբարդիների՝ քաջքերը (սատանաներ) «ամենուր են՝ ջրում, օդում, ժայռերի մեջ, հատկապես մութ անձավներում ու ժայռածերպերում, լքված ջրաղացներում ու ավերակներում: Ավետարանոց գյուղում, մեկիցական դարադամներից վեր բարձրացող մուտքը տանում է քարանձավ՝ քաշկառն»⁴⁸: Իսկ «Դավախսան գյուղի Ակորջանը պատմում էր, թե մի օր մի սատանա խաբել է իրեն և տարել սատանաների տունը ցույց տվել: Այդտեղ, ասում է նա, եղել է մի գեղեցիկ մուշտակ, մի յարս (երկժանի) և մի կույտ ածուխ: Երբ նա հե-

⁴¹ ՀԱԲ, հ. 10, էջ 66:

⁴² Կոստան Մ., նշվ. աշխ., էջ 582:

⁴³ ԵԼ, հ. 1, էջ 216:

⁴⁴ Գյոզալյան Գ., նշվ. աշխ., էջ 231:

⁴⁵ ՀԱԲ, հ. 8, էջ 88-89:

⁴⁶ Նույն տեղում, էջ 89:

⁴⁷ ԵԼ, հ. 2, էջ 177:

⁴⁸ ՀԱԲ, հ. 12, էջ 63:

տաքրքրվելով հարցրել է, թե ինչի համար են այդ բաները, սատանան պատասխանել է, թե մուշտակը նրա համար է, որ առավոտը ձգեն եկեղեցի գնացող ծերունիների վրա, որպեսզի տաքոթյունից թուլանան ու եկեղեցի չգնան, յարան՝ որ ձգեն չարը տեսնող և բարու ետևից գնացող երիտասարդների պարանոցը, իսկ ամուխը՝ քսեն իրենց ասածը ուրացողի երեսը»⁴⁹:

Սատանաները հայտնվում են մարդկանց մեռակ կամ խմբով, երեկոյան ժամերին՝ մութն ընկած ժամանակ: Ըստ մուսալեացիների՝ սատանաները «մարդուն երբեք խմբով չէին ներկայանում: Ոչ էլ խմբված մարդկանց էին երևում»⁵⁰: Հայտնվում են միայնակ մարդկանց, հավանաբար այն պատճառով, որ մեկին ավելի հեշտ է մոլորեցնել ու գցել իրենց թակադրը: Իսկ Ակնում հավատում էին, որ «Մեզմե աղեկները սովորաբար կանանց կ'երևան»⁵¹:

Ըստ հայ ժողովրդական սնանկատական գրույցներում առկա պատկերացումների՝ սատանա բռնելու երեք հիմնական տարբերակներ կան: Ի մի քերելով գրավոր աղբյուրներում և գրական ստեղծագործություններում առկա նյութերը, կատարված արդի գրառումները՝ բազմիցս հանդիպում ենք ձիու վրա կուպր քսելու եղանակով սատանա բռնելու տարբերակին: «Օձուռում Օսանք, Արովիմում Դավիթ քյոխվանք, Շահալիմում Քոչմանք Քոչարը նկատել են, որ իրենց գոմերում ձիերը գիշերը սատակի քրտում են, և մագերը հյուսած են լինում. կուպր են քսում ձիերին և բռնում մի-մի սատանա, յոթական տարի աշխատեցնում, հետո արձակում: Սրանք հեռանալիս մի բան էին խնդրել իբր վարձ իրենց յոթ տարվա ծառայության, սրանք էլ մի-մի բուռ մոխիր էին տվել, այս պատճառով էլ սրանց աներում երբեք մոխիր չի լինում՝ սատանաները հավաքում, տանում են: Մի նույնաման դեպքից հետո արդվեցի Օթարանք ջուր են տվել, և մինչև այժմ էլ սրանց տանը ջուրը բարաքյոթ չունի, որքան էլ քերեն՝ մի քիչ հետո չքանում է: Իսկ Շնող գյուղում՝ Շաժինենց տանը, գոլա երբեք չէր մնում: Մի օր տեսնում են, որ մի կին եկավ և գոլաները հավաքեց, ուզում է տանի: Տան տղամարդը սրտոտ է լինում. վրա է վագում, մի հաստ խփում, վայր ձգում կնոջը, թե՛ այդ ուր ես տանում մեր գոլաները:

-Չեր պապը այդ մեզ է տվել,- պատասխանում է կինը և անհետանում: Նոր հարցումիորձ են անում, իմանում, որ իրենց պապն էլ մի սատանա է բռնած եղել, յոթը տարի աշխատեցրել և վերջը մի գոլա նվիրել»⁵²: Այս տարբերակը ընդհանրական է ազգագրական բոլոր շրջանների համար:

Մյուսը՝ սատանայի մագերը կտրելու եղանակով իրենց ենթարկելու տարբերակն է: Ուզումլար գյուղում Գորգմանց պապը օջախի մոտից սատանա է բռնում, մագերից մի քիչ կտրում, պահում է: Երբ յոթը տարին լրանում է, տատանան աղաչում է, որ իր մագերը իրեն տան՝ գնա: Սրանք էլ տալիս են»⁵³:

Երրորդը՝ սատանային ասելով բռնելու տարբերակն է: Այս տարբերակը ամենատարածվածներից է և հանդիպում ենք բոլոր ազգագրական շրջաններում առկա գրույցներում: Ակնում հավատում էին, որ «աղեկնաքները չեն բռնուիր, բայց եթե մեկը յաջողի անոնց միայն կրճակը կամ ձեռքը չհասած կամ չգիտցած տեղ մը ասել մի շուլիլ (կարել), չը կրճար փախչի, և ասելով շուլլողն ինչ որ ուզե անկեց՝ կրերեն ուրիշ կնկան մը սնաուկեն»⁵⁴:

⁴⁹ ԵԼ, հ. 2, էջ 177:

⁵⁰ Գյոզալյան Գ., նշվ. աշխ., էջ 230:

⁵¹ Մանիկեան Յ.Կ., նշվ. աշխ., էջ 152:

⁵² ԵԼ, հ. 3, էջ 210-211:

⁵³ Նույն տեղում, էջ 210:

⁵⁴ Մանիկեան Յ.Կ., նշվ. աշխ., էջ 153:

Սատանայի՝ որպես չար ոգու գործառույթներից մեկը նրա անեծքն է իրեն բռնող, երեք կամ յոթ տարի անվարձ աշխատեցնող մարդուն ու նրա ընտանիքին: Բանասացները հաստատում են, որ սատանաների անեծքները (դառը դատեք, դատարկ նստեք, տանդ հացը կամ ջուրը պակասեն, տանդ մոխիրը պակասի, ամբողջական բաժակ, գդալ, ափսե, կճուճ, շերեփի կամ դույլ չունենաք, աչքերդ բաց քնես, ձեր տունը դեքը պակաս չլլի) մինչև օրս էլ այդ ընտանիքների վրա են: Սակայն գրույցներից մեկում «Յոթ տարին լրանալիս սատանան դառնում է դեպի Անանյանք և ասում. «Ի՞նչ հիմար մարդիկ եք, յոթ տարի մնացի ձեզ մոտ, չհարցրիք՝ ինչու ջորին չի ծնում, որ ասեի», և անհայտանում է»⁵⁵: Համաձայն մեկ այլ գրույցի՝ սատանան իրեն «կապանքներից ազատող» աղջկան խփում է, «աղջիկը կը դիվահարի, ինքը կխափանվի»⁵⁶:

Սատանաների կենցաղում լայն տարածում ունի հարսանիքը, շատ են այդ թեմայով գրույցները: Տարբեր ազգագրական շրջաններում տարբեր գունավորումներ են ստանում հարսանիքի հետ կապված մանրամասնությունները՝ սկսած հագուստից, երաժշտական գործիքներից մինչև ճոխ ու առատ սեղանները: Մարդը, հիմնականում ջրադացպանը, հովիվը, միայնակ, պատահական անցորդը կիսաքուն կամ արթուն վիճակում հանկարծ լսում է դեռ-գլուխայի ձայն, ականատես է լինում ուրախ հարսանիքի, ինքն էլ ակամայից կամ ստիպողաբար ներգրավվում է հարսանիքի մեջ: Ըստ հայտնի գրույցների՝ սատանաները շատ են սիրում հագնել մարդկանց, հիմնականում նորահարսների զգեստները և մասնակցել հարսանիքի: Դրանից խուսափելու համար անհրաժեշտ է զգեստը հանելու ժամանակ խաչակնքել⁵⁷, Հիսուս Քրիստոս ասել կամ մեջը նշխարը դնել: Զրույցներից մեկում Ուստա Աթոն սատանայի հարսանիքում մկագելիս նկատում է, որ դրանց հագին իրենց հարևանների հագուստներն են, մեկական կտոր կտրում է շորերից, առավոտյան համեմատում է և համոզվում, որ շորերը սատանաներն էին հագել: Կշտամբում է հարևաններին, թե ինչու հանվելիս Հիսուս ու Քրիստոս չեն ասում, որ սատանաները իրենց «հալավները» չտանեն⁵⁸:

Ջավախքում գրառած մի գրույց մանրամասն ներկայացնում է սատանայի հարսանիքի և հյուրասիրության մի փայլուն օրինակ. «... Քիչմ անցավ՝ մեմ ա դավուլ-գլուխի ձեմ էկավ... Ետև մսաան օր հաց ուտեմ, ինծի հետ էկող մարդը մե մեմմ լանգյառիմ՝ փլավ լցեց բերեց ինծի, օր ուտեմ: Անոթի փոքս վեց-վեց կենե, վրա ընկա, օր ուտեմ: Չանչս կգարեմ, տանիմ կը բերանս, կաշեմ՝ բան չկա, փոքս բան չի էրթա, լլի օր, ըսի, քունս գլխս է, չեմ կրնա ուտե, աչքերս սրբեցի, գյառ-գյուլամիշ եղա, աչեցի օր փլաֆը ալի անպես գլխած առաջս է: Ավուճմ զարկի, տաքա բերանս, ծամեմ կը, կենա բերանս բան չկա: Աշեմ՝ անոնք հավար-հավար կուտեն: Ալ ամոթուս ձեմ չհանեցի: Մե քիչմ անցավ, ան մարթը լյանգառովմ՝ քիրիք բերեց: Ըսի՝ աս լավ է, մտերը կտոր-կտոր կամենմ, կոծեմ կը, բյալքի բերանս բամմ՝ մոնի: Առա մսի կտորը, տաքա բերանս, ծամեմ կը, ակեռես իրար կը դիպչի, ցորեն հատիմ չափ բան ա փոքս չի էրթա: Չարասըզ բերանս սրբեցի, անոթի ծառավ ետ քաշվա, անոնք կերան, խմեցին, էլան քիչմ ալ թռան ու քաշվան գնացին»⁵⁹:

Սնահավատական գրույցներից և ազգագրական մանատիպ նյութերից հայտնի է, որ սատանաները սնվում են հիմնականում հալվաով, խավիժով, ծննդկանների փայծաղով՝ լյարդով: Մ. Արեղյանը ներկայացնում է մի գրույց, որտեղ սատանա-

⁵⁵ ԵԼ, հ. 2, էջ 177:

⁵⁶ ՄԼ, հ. է, էջ 89:

⁵⁷ Ռուս բանահյուսության մեջ ևս տարածված է այն պատկերացումը, որ սատանան տանում է այն ամենը, ինչը օրհնված չէ: *Померанцева Э.В., Мифологические персонажи в русском фольклоре, М., 1975, стр. 119.*

⁵⁸ ԵԼ, հ. 1, էջ 218:

⁵⁹ ԵԼ, հ. 1, էջ 225:

ներն «իրենց հարսանիքներին մեկի երկնքն են մոռթում, խորովում և ուտում, իսկ լուսադեմին նրանք միացնում են կաշին ու ոսկորները, և կենդանին ողջ-առողջ տուն է վերադառնում: Դրա մեկ ոտքն է տվորարար միայն կաղ մնում, քանզի նրանց հարսանիքին հրավիրված և իրենց հետ ուտող-խմող երաժիշտը կամ սափրիչը մի ոսկր է գողանում, որպեսզի ստուգի կենդանու հետ նրա ունեցած նույնությունը»⁶⁰:

Խավիժ եփելու համար դնում են կրակին մի կաթսա և շուրջը պտտվելով ասում. «Չքին եղմ ու ալուրը մեջը, չքին եղմ ու ալուրը մեջը»: Կաթսան լցվում է ունեցող, բայց չունիմ աստղների յուրով ու ալուրով, որը և եփում ուտում են: Բայց նրանք ավելի մարդկանց եփածին են վագում և ուր էլ որ խավիժ եփեն, սրանք գլխին կանգնած են: Եվ որպեսզի համեղ մասն իրենց մնա՝ նրանք տակն են պահում յուրը և թույլ չեն տալիս «դուրս տալու», այսինքն՝ երեսը տարածվելու, սպասելով, որ դրգալը վայր դնեն, իրենք վերցնեն ուտեն: Մարդիկ էլ առ իմանալով՝ առանց դրգալը վայր դնելու մի սուտ են խոսում, օր. Դուրսը սատուիկ կռիվ կա, սատանաները խաբվում, վագում են դուրս, այս ժամանակ յուրը դուրս է տալիս, և մարդիկ վերցնում ուտում են⁶¹:

Ջավախքում պատմում են, որ մայր սատանան բերում է քեհու տողցկան կնոջ ջիգյարը, «քյապապ» անում ու կերցնում երեխաներին: Գիշերը չալում մնացած մեկը, լսելով սատանաների զրույցը, ներս է մտնում նրանց մոտ, մի բուռ մոխիր վերցնում, տանում է քեհենց տուն, դիմ տալիս մեռած կնոջ քթին, կինը կենդանանում է⁶²: Ծննդկանի կամ նորածին երեխայի ջիգյարը կամ փայծաղը հանելու և վերջիններիս մահ բերելու մոտիվը տարածված է Ջավախքում, Շիրակում, Ապարանում, Վայոց Ձորում, Արցախում, Նոր Նախիջևանում, Արճախում, Ալաշկերտում և այլ ազգագրական շրջանների սնահավատական զրույցներում:

Սատանան մարդուն մոլորեցնելու, իր չար մտադրություններն իրականացնելու համար բազմաթիվ հմարքներ գիտի և դիմում է դրանց: Աներևույթ լինելուց բացի (այս հանգամանքը նրա չարագործություններն իրականացնելու հիմնական գրավականն է) նա հաճախ ստանում է մարդուն ծանոթ կամ բարեկամ մարդու, Արցախում՝ այծի, ճանճի⁶³, Ջավախքում՝ սև շան, մագի⁶⁴, Արճախում՝ մարդու, աղվեսի, գայլի, շան, կատվի, ճանճի, մագի և այլ կերպարանքներ: Ըստ Արճախում տարածված զրույցի՝ ջիգյար տանելու ճանապարհվող սատանան գլուղին հասնելիս ընդունում էր շան կերպարանք, ծննդկանի տունն էր մտնում կատվի կերպարանքով, ծննդկանին էր մոտենում ճանճի կերպարանքով և ծննդկանի փորն էր մտնում մագի կերպարանքով, որից հետո արդեն պոկում էր լյարդը⁶⁵: Ըստ Ջավախքում գրառած մի զրույցի՝ սատանան չի կարողանում տանել ծննդկանի ջիգյարը, քանի որ նրա վրա կատու էր պառկած, և մոտենալու պահին աքլորը կանչում է: Որոշում է դառնալ մագ, մոտել խավիժի մեջ, կուլ գնալ և ջիգյարը պոկել: Մարդը, լսելով սատանայի մտադրության մասին, խավիժից հանում է մագը, գցում կրակի մեջ, «ցկելը կիմանա, մեմ՝ ա անպես ճվճվոցն գլյնի, օր աս խեղճ մարդը էրկու անկնով խլմա կը»⁶⁶: Գ. քհ. Նժդեհյանը, խոսելով Ալաշկերտում գրառած հավատալիքների մասին, գրում է. «Երկրի երեսի վրա գտնվածները (սատանաները) հետամուտ են միշտ մոլորեցնել մարդերը և չար գործեր տալ, մտնելով ամոնց խղճի, հոգիի, սրտի, փորի և ուղեղի մեջ, կամ ազդելով աստեց վրայ, յաճախ

⁶⁰ ՄԱ, հ. Է, էջ 88:

⁶¹ ԵԼ, հ. 1, էջ 216:

⁶² Նույն տեղում, էջ 219:

⁶³ ՀԱԲ, հ. 12, էջ 63-64:

⁶⁴ ԵԼ, հ. 1, էջ 217:

⁶⁵ ՀԱԲ, հ. 8, էջ 88:

⁶⁶ ԵԼ, հ. 1, էջ 220:

երևնալով մարդուն այլև այլ կերպարանքով, հրապուրիչ տեսքով ու լեզվով, մինչև որ մեռնի մարդը»⁶⁷:

Ինչի՞ց է վախենում սատանան, և ի՞նչ անի մարդը սատանայի չարագործություններից զգուշանալու և դրանցից խուսափելու համար: Այս երկու հարցերի պատասխաններն առկա են բազմաթիվ սնահավատական գրույցներում և ազգագրական նյութերում:

Շիրակում կարծում էին, թե «Մարդ ուր էրթայ՝ սատանեն հետը կըպտըտի, չունքի մենծ անդամ է: Էդտեղ է, որ շատ անգամ կը տեսնիս՝ դարտակ բանիմ հրմար մարդ զարկե՛ զարկուի ու մենծ դավի դառաբա կը հանե, չունքի սատանեն կողքը նստած միշտ կը բռթե, թե դիմջ մի մնայ...: Էդտեղից էլ ջուկ, ջրի՝ ես թե չէ իշքու (սմիշք) ամանը կիսատ բողիր թե չէ՝ վայն էկաւ քեզի տարաւ: Էն սեաթին սատանէն հա ոտները պտի մէջը կախե՛ ես թէ չէ մէջը մտնի լողանայ... Էդ ահուց չէ՞՝ օր մեր քենբուրատ Գեորգ թե՛ ջաղացը, թե՛ ձիթիհանքը, թե՛ գոմի մէջ, թէ խարապա տեղում օր քնելու Էդնի, Խօղանի վրէն՝ ես թե չէ հախի՛ն՝ կոտրած մենծ ասեղում կը շուլլէ, օր ինչ է՝ սատանէն իրան չմտեմայ: Է՛հ ջանըմ, մարդ սատանի ո՞ր մեկ բանն ըսե. հազար լռանգ սատանութեն գիտէ. ընդուր հախից գալ ե՞ր կեղնի...»⁶⁸:

Արճակում սատանայի գոյությանը հավատում էր գրեթե ողջ բնակչությունը: Ըստ արճակցիների պատկերացման՝ «սատանաներն ամենուրեք էին և խանգարում էին մարդկանց: Դրանց հաղթահարելու միջոցը խաչակնքումն էր և Հիսուս Քրիստոս ասելը: Պետք է խաչ քաշվեր խմորի, ալյուրի երեսին ու նոր միայն բերանը փակվեր: Պանիրը ամանի մեջ շարելիս պետք է անպայման սկզբից մի մեծ կտոր պանրի վրա խաչ նշվեր և նոր դրվեր ամանի մեջ և այլն: Բուրդ տեսակի ուտելիքներն սկզբից ու վերջից կա՛մ խաչ պետք է կրելին, կա՛մ խաչակնքում, որպեսզի սատանաները դրանց բարաքյաթը չտանեին: Իսկ ամեն տեսակ ուտելիքի ձեռք տալիս, այսինքն՝ մեծ ամանից ուտելիք վերցնելիս պետք է «Իսուս-Քրիստոս» մրմնջային: «Իսուս-Քրիստոս» պիտի մրմնջային գիշեր ժամանակ (մանավանդ մթան մեջ) որևէ շնք անցնելիս, որպեսզի այնտեղ պահված սառնանքները անցնողին չկարողանային խփել...: Բարիքի թշնամի սատանաները Իսուս-Քրիստոսի անունը լսելիս իբր կործանվում են»⁶⁹:

Ըստ Ստ. Լիսիցյանի Լեռնային Ղարաբաղում մարդիկ «Զգուշանում էին, որ գիշերը ոչ ոք չկռահա ու ջուր չխմի առվից կամ աղբյուրից՝ չլինի թե քաշքը քաշի, գցի ջուրը և խեղդի, այդ է պատճառը, որ կռահալուց առաջ պետք է խաչակնքել (Մոս գ.): Չէր կարելի արևամուտից հետո փոխարինաբար մաղ, կշեռք, կրակ տալ, ալյապես դրանց հետ կամ ռնեցող առարկաներն ու պաշարները կկորցնեին իրենց բարիքը (բարաքյաթը) և արագ կսպառվեին, քաշքը դրանք կթոցներ տնից: Զգուշանում էին, որ մայրամուտից հետո չի կարելի տունն ավել, թե չէ հանկարծ կդիպչեին սատանային: Եթե խիստ անհրաժեշտ էր ավել, ապա պետք էր ավելից ծղոտ կտորել ու գցել կրակը: Նույն պատճառով չէր կարելի տաք ջուրը թափել գետնին, այլ պետք էր մեկ այլ ամանի մեջ լցնել (Թաղլար գ.): Չէր կարելի աղբը շնքի մոտ թափել, քանի որ այնտեղ քաշքերն են նստած լինում»⁷⁰:

Ապարանցի կամայք մույնպես գիշերը բակը ջուր չեն թափում, որովհետև «ջուրը կարող է թափուել չարիքի սեղանի վերայ և նոքա վրէժ կըհանեն «սև վարդոցով» հարուածելով: Պառաւններից մեկը հետևյալ դէպքն էր պատմում այդ մասին.

⁶⁷ ԱՀ, գ. IX, էջ 267:

⁶⁸ ԷԱԺ, հ. Ա, էջ 170:

⁶⁹ ՀԱԲ, հ. 8, էջ 88:

⁷⁰ ՄԱԳ, հ. 12, էջ 64:

- Ձեռն ժամանակ ջուր տարայ, քափեցի դուս. քիտեր էր ընդունց սեղմին, զարկին գլխուս. Թուխք էրեցին, սաղցուցին:

Չարեղը ջրի արանք կպտտոին, ասում էր մույն պատառը, օր մեկ մարդ ընցնի գիշեր վախտ, ամուն Հօր և Որդույ չենի, կգարկին սև վարդոցով»⁷¹:

Ակնում կարծում էին, որ «Աղեկնաքները անվնաս են, քայց երբեմն «չար» կուտան»: Երբ մեկն աղեկնաքի վանկան վրայ կոխէ, որ աներևոյթ լինելով չէր կրնար տեսնել՝ մայր-աղեկնաքն «չար» կըլտայ կոխող անձին, որոյ ծնօտն կամ այլ անդամն կը ծռի, խեղամդան կըլլայ. Կամ կոխող անձն եթե որքանին մեջ երեխայ մի ունի՝ աղեկնաքն ի վրէժսնդրութիւն՝ նոյն հասակաւ աղեկնաքի տգեղ երեխայ մի դնելով նորա տեղ, կը փոխն մարդածնին հետ. Կամ նոյն իսկ կոխողն կը հիւանդանայ: Չար արուած անձին «հանտերքի է լռատու եկերն կ'ըսեն»⁷²:

Հայտնի է, որ սատանան և չար ոգիներն ընդհանրապես, մախ և առաջ համարվում են ծննդկան կնոջ թշնամի: Մեր խնդիրն ենք համարում ներկայացնել սատանա ոգուց զգուշանալու, նրանից պաշտպանվելու և նրան վախեցնելու համար գործի դրվող հնարքները այնքանով, որքանով դրանք տեղ են գտել հայտնի սմահավատական գրույցներում: Ըստ վերջիններիս՝ սատանան վախենում կամ անհետանում է աքաղաղի կանչից⁷³, խոզի անուն լսելիս⁷⁴, կատու տեսնելիս, երկաթից, պողպատից, խաչակնքելուց, հայր մեր ասելուց⁷⁵, Հիսուս Քրիստոսի, Ասավածածնի անունը լսելիս:

Սատանաներից խոտափելու և նրանց վախեցնելու համար քաղմաթիվ հնարքներ էին քանցեցնում հատկապես Արցախում: Ստ. Լիսիցյանը գրում է. «Քաշկերն ամենից ավելի վախենում էին պողպատն»⁷⁶ իրերից: Դա, հավանաբար, կապ ուներ այն համոզման հետ, թե պողպատը (հրահանը) ազգակից է կայծակին, քանի որ քարից կայծ է հանում, ծննդի ժամանակ ծննդկանի քարձի տակ պողպատն և երկաթն իրեր՝ իլիկ, դանակ, մկրատ, դաշույն, կողպեք էին դնում, իսկ շեմքին, որտեղ քաշկերն էին մատած՝ շղթա էին գցում: Նույնպիսի պողպատն առարկաներ էին դնում և երեխայի քարձի տակ: Հարսանեկան արջառի (կամ ոչխարի) արյան մեջ թաթախված խոփը, դանակը և քանալին էլ համանման նշանակություն ունեին: Ավագ չարչարանաց շարաքի ուրբաթ օրը դարբինները պողպատն օղեր էին կտում, որոնք աղջիկները դնում էին մատներին՝ քաշկերից պաշտպանվելու համար (Հաղորթ, Թաղյար և այլ գյուղեր): Երեխաների ուսածապավեններին պողպատն փոքրիկ հրահան էին կարում, որը նրանց պաշտպանում էր չար ոգուց ու կայծակից: Հավատում էին, որ հենց այդտեղ (թիկունքում) է թաքնվում սատանան: Հավատում էին, թե ոչ միայն շնչավոր, այլ մահ անշունչ առարկաները քաշկերից պաշտպանելու համար պետք է դրանց զգեստի գործվածքի մեջ ասել խրել կամ լայնագլուխ մեխեր և կամ պայտ խիլե դրանք»⁷⁷:

Մուսալեռում մույնպես պողպատյա իրերը, հատկապես սուր գործիքները պաշտպանական ուժ ունեին: «Չարքերը՝ սատանաները, խիստ զգուշանում ու վախենում էին կացնից, մանգաղից, խոփից, դանակից, սրից, թրից, դաշույնից, ասեղից, քորոցից, շամփուլից և այլն: Ծննդկանի գլխատակին անպայման մի սուր գործիք (դանակ, մկրատ) կամ կործին ասեղ պիտի լիներ, ինչպես և նորածին երեխայի քարձի

⁷¹ Գարեգին Մարկասագ Յովսեփիանց, էջ 65-66:

⁷² Շանիկեան Յ.Գ., նշվ. աշխ., էջ 153:

⁷³ ԵԼ, հ. 2, էջ 178:

⁷⁴ Նույն տեղում:

⁷⁵ ԵԼ, հ. 3, էջ 210:

⁷⁶ Մետաղները խորհրդանշում են տիեզերական էներգիան՝ կարծր վիճակում: Копалев К., Энциклопедия символов, знаков, эмблем, Москва, Эксмо, Санкт-Петербург, Terra Fantastica, 2003, стр. 309.

⁷⁷ ՀԱԲ, հ. 12, էջ 64-65:

տակ: Այդ էր պատճառը, որ գյուղի տղաները, գիշերով մի գմելով կամ շամփուրով զինված, սատանա էին փնտրում: Պետք էր, որ միայնակ լինեին, որովհետև սատանան երբեք բազմության առաջ դուրս չէր գալիս: Հաջորդ առավուտ տղաներն իրար զեկուցում էին, որ ոչինչ չէին գտել: Փորձը տարիներ տևեց, բայց ոչինչ չտեսցվեց: Ուհի ահեղիորեն մութ անկյուններում, պտրակներում և այլուր և ուհի էլ աղբյուրներում սատանաներ չէին երևում, բայց և այնպես թվում էր, թե դրանք գոյություն ունեն»⁷⁸:

Երվանդ Լալայանը Ջավախքում, Արցախում, Լոռիում բազմաթիվ գրույցներ է գրառել, որոնք ուշագրավ են բովանդակային առումով և առանձին ու կարևոր տեղ են գրադեցնում մյուս բոլոր սմահավատական գրույցների շարքում: Սատանայի՝ որպես չար ոգու գործառնություններն այս գրույցներում խիստ տարբերվում են տարածված ու ընդունված կարծիքներից: Այսինքն՝ հայ ժողովրդական սմահավատական գրույցներում սատանան միշտ չէ, որ չարության հատկանիշներով է դոսևորվում: Այդ հատկանիշներից առաջինն այն է, որ սատանան մարդուն արհեստ է սովորեցնում⁷⁹, երկրորդը՝ սատանան օգնում է մարդուն, և երրորդը՝ մարդը հաղթում է սատանային: Լոռիում պատմում են հետևյալ գրույցները, որտեղ սատանան մարդուն արհեստ է սովորեցնում. «Երբ առաջին անգամ ձիթահանը շինեցին, իսկույն չկարողացան ձեթ հանել: Այս ժամանակ սատանան եկավ նրանց մոտ և խոստացավ սովորեցնել ձեթ հանելու կերպը, եթե իրեն էլ մաս տան: Մարդիկ չհամաձայնեցին և շարունակեցին փորձեր անել, բայց անօգուտ: Մի օր էլ, երբ սատանան ներս մտավ միևնույն առաջարկն անելու, ձիթահանքի տերը տաք ջուր ուզեց: Սատանան, այս լսելով, բացականչեց.

-Ի՞նչ, գտա՞ք գաղտնիքը, տաք ջուրը կտավատի վրա՞՝ պիտի ածեք:

-Այո՛, -պատասխանեց տերը,- վաղուց արդեն գտել ենք գաղտնիքը և կարիք չունենք քեզ մաս տալու»⁸⁰:

Մեկ այլ գրույցում էլ սատանան միամտաբար ասում է, որ ամանները կլեկում են բամբակով, մարդն իմանում է այս գաղտնիքը՝ չխոստովանելով, որ սովորել է սատանայից⁸¹: Վերը նշված գրույցներում ժողովուրդը սատանային օժտել է այնպիսի դրական հատկանիշներով, ինչպիսիք են բանիմացությունը և միամտությունը:

Սմահավատական գրույցներում երբեմն էլ մարդը դիմում է սատանայի օգնությանը՝ քահանայից վրեժխնդիր լինելու⁸², հարստանալու⁸³, կուզից ազատվելու⁸⁴ և այլ նպատակներով և ստանում է վերջիններիս օգնությունն ու աջակցությունը: Անցնում տարածված էր այն կարծիքը, թե սատանան կարող էր մարդուն բարիք բերել: Պատմում էին, որ «Այս ինչ տանն կանայք երբեմն երեք օր, երեք գիշեր մոմ թափեր են աղեկնաց տուրքեն, երբ տեսեր են, թե պտուկին ճիրագուն չի հատնիր՝ ամաններ, դաշտոններ բերելով խղն հոն քաշեր են: Յիշեալ տանն կանայք, իրենց սնտուկներուն վրայ, Մուլթան Մահմուտի 5-նոց և 6-նոց դրամեն դեզադեզ շարտած կը տեսնեն եղեր: Կը վերցնեն դրամները և հետևյալ օրն կը տեսնեն, որ դարձեալ շարտած է: Մեկը հաց կեփե, կը տեսնե, որ տունն հացով կը լեցուի և խմորն չսպառիր: Այսպես, աղեկնաք զանազան բարիք կը ընեն եղեր մարդոց: Պետք է գիտնալ, թե ու և իցն պարագայի մեջ, երբ աղեկնաքն շնորհ մ՞ընե, պետք չէ քնաւ մարդու ասել, զի շատ մարդիկ երբ շնորհք մը

⁷⁸ Գյոգալյան Գ., *նշվ. աշխ.*, էջ 225:

⁷⁹ ԵԼ, հ. 3, էջ 211:

⁸⁰ ԵԼ, հ. 1, էջ 216:

⁸¹ Նույնը:

⁸² ԵԼ, հ. 2, էջ 178:

⁸³ ԵԼ, հ. 1, էջ 223:

⁸⁴ Նույն տեղում, էջ 220:

վայելած են և մեկու մը յայտնած են՝ անմիջապես նոյն շնորհին դադրած և մինչև իսկ շնորհեալ դրամն ալ ետ առնուած է եղեր»⁸⁵:

Կամ բազմաթիվ առակներ, անեկդոտներ, սնահավատական գրույցներ⁸⁶, որ-տեղ ժողովուրդը մարդուն ներկայացնում է որպես խաբեբա, չափազանց ճարպիկ, հմարամիտ, այսինքն՝ «մարդը սատանանին ջուրն է տանում, ծարավ հետ բերում»⁸⁷: Այս-պիսի գրույցներ հիմնականում պատմում են մոկացիների⁸⁸, կաբեցիների⁸⁹, հատ-կապես կաբեցի կամանց մասին, որոնց տալիս են «սատանա խաբող»⁹⁰ անունը:

Հաճախ բանասացները, բուն բանահյուսական նյութը հաղորդելուց բացի, կա-տարում են ինքնուրույն դատողություններ իրենց իսկ ավանդած նյութի կամ համ-ընդհանուր հարցերի վերաբերյալ և այդ կարծիքները՝ որպես երակետ, օգնում են ուսումնասիրողներին իրենց վերաբերմունքն արտահայտել ուսումնասիրվող նյութի վե-րաբերյալ: Մեր պարագայում բանասացը շատ հանգիչ կերպով պատմում է իր իսկ գլխով անցած իրադարձությունը, որը մեր կողմից դիտարկվում է որպես սնահավատա-կան գրույց սատանայի, գոեմափշտիկի կամ մեկ այլ ոգու մասին, և հաջորդ բույսին ասում, որ «էն վախտ միամիտ էինք, ամեն ինչից վախենում էինք, մեր բոլոր տեսակի վախերը վերագրում էինք սատանաներին: Հրմի մարդն է սատանա դառել, խափում է, տուտ է խոտում, սատանան էլ ո՞րտեղ էրևա, մարդը սատանա փեշակը ձեռեն առել է: Ըդորից է, որ էն վախտ սատանա կար, հրմի չկա»⁹¹:

Նմանատիպ դատողություն է արել Յ. Շանիկյանը դեռևս 1895թ. Ակնում բա-նահյուսական նյութեր գրառելիս. «Կ'ըսեն թե աղեկնաց սկզբնաւորութիւնն յայտնի չէ: Թէ ի հմումն և թե այժմ կան. Պարզամիտ անձինքն կը սիրեն և անոնց միայն կ'երևան և զանազան շնորհ կ'ընեն. կ'ըսեն մաև, թե այժմ մարդիկ աւելի սատանայացած լինելով, աղեկնաքները չեն երևիր եղեր այլ ևս»⁹²:

Սատանայի կերպարը լայնորեն տարածված է հայ ժողովրդական հեքիաթնե-րում և բանաձևային բանահյուսության մեջ՝ առածններում⁹³, հանելուկներում⁹⁴ և այլն: «Սատանա» բառը հանդիպում ենք մի շարք տեղանուններում⁹⁵, որպես բնության տա-րերքի կամ երևույթի անվանում⁹⁶, մաև հայ ժողովրդական խաղերում⁹⁷:

Մարդը, չկարողանալով բացատրել բնության այս կամ այն երևույթները, չկա-րողանալով հաղթահարել դրանց նկատմամբ ունեցած իր վախը, երևակայության մեջ ստեղծել է զանազան ոգիներ, նախապաշարմունք, սկսել է հետևել դրանց, վախենալ, զգուշանալ դրանցից, հավատալ, սրբացնել և այլն: Պատահական չէ, որ սնահավա-տական գրույցները մեծ մասամբ տարածված էին գյուղական բնակավայրերում, ուր

⁸⁵ Շանիկյան Յ. Կ., նշվ. աշխ., էջ 152-153:

⁸⁶ ԵԼ, հ 1, էջ 222-223:

⁸⁷ Մալխասյանց Ստ., Առակներ, ավանդություններ, անեկդոտներ, № 58 (39), Եր., 1958, էջ 90:

⁸⁸ FF III: 6299, Ա. Բարսեղյան, Սևան, 1961, Մոկսի բանահյուսությունը:

⁸⁹ FF II: 15, Բրդյան Վ., 1945, Աշտարակ:

⁹⁰ Ս. Վարդանյանի գրառած նյութերից: Ասացող՝ Մարիամ Մովսիսյան, ծնվ. 1987թ., 1-ին կուրսի ուսանողուհի: Սատանան տանում է կարբեցիների խոզերը: Մեկն ասում է սատանային, որ մի-այն իրենը տա, մյուսների հետ ինքը գործ չունի: Սատանայի այն հարցին, թե որն է իրենը, մարդը պատասխանում է, թե իր խոզի պոչը ուղարած է: Սատանան տեսնում է, որ բոլոր խոզերի պոչերը ուղարած են, բոլորն էլ վերադարձնում է:

⁹¹ Մեր բանահյուսական գրառումներից, բանասաց՝ Բարսեղյան Շողակաթ, ծնվ. 1925թ., Շիրա-կի մարզ, գյուղ Կապս:

⁹² Շանիկյան Յ. Կ., նշվ. աշխ., էջ 153:

⁹³ Համադանյան Ա., Առածանի, Եր., 1960:

⁹⁴ Հարությունյան Ա., Հայ ժողովրդական հանելուկներ, Եր., 1965:

⁹⁵ Համադանյան Ա., Ավանդապատում, Եր., 1969, էջ 77, 218, 221, 406:

⁹⁶ ԱՀ, գ. IX, էջ 46:

⁹⁷ Բրդյան Վ., Հայ ժողովրդական խաղեր, Եր., 1980, էջ 60, 139-142:

աշխարհընկալման հետ կապված հարցերը բացահայտման ու պարզաբանումների կարիք ունեն: Ճանաչողության սահմանների ընդարձակման հետ մեկտեղ պակասում են նաև սնահավատական գրույցները:

ЧЕРТ В АРМЯНСКИ НАРОДНЫХ СУЕВЕРНЫХ РАССКАЗАХ

____ *Резюме* ____

____ *А. Галстян* ____

В армянских народных суеверных рассказах черт-самый распространенный злой дух. Данная статья представляет функции черта по армянским народным суеверным рассказам. На основе фольклорных записей, собранных в последние годы, и опубликованных статьях, раскрывается и представляется внешний облик черта, его возраст, пол, быт, место обитания, способы излова в различных этнографических регионах.